

*bænda*  
FERÐIR

## SUMARÆVINTÝRI Á SIKILEY



**6. – 18. september 2024**

**Fararstjórn: Hólmfríður Bjarnadóttir**

Sumar 22

Ítalía

## Ferðalýsing

Sumarævintýri á undurföggu og sólríku eyjunni Sikiley. Fornar minjar bera vitni um 3.000 ára sögu hennar og menningu þeirra þjóða sem hér hafa ríkt í gegnum tíðina. Ferðin hefst í hrifandi borginni **Napólí** sem er höfuðborg **Campania** héraðs við **Napólíflóa**. Gamli hluti Napólí er einstaklega sjarmerandi og er á heimsminjaskrá UNESCO. Siglt verður til **Palermo**, höfuðborgar Sikileyjar, en hún stendur við fallegasta flóa eyjunnar. Ásamt því að skoða Palermo verður farið til **Monreale**, töfrandi bæjar sem státar af stórkostlegri dómkirkju, klaustri og fyrrum konunghöll. Á leið til **Marina di Ragusa** upplifum við **Agrigento**, sem er ein hinna gömlu grísku borga, og **Vall di Templi** eða dal hofanna þar sem sjá má mjög áhugaverðar fornminjar og eitt stærsta fornminjasvæði í heimi. Við sækjum einnig heim **Ragusa** sem er heillandi bær í barokkstíl. Síðasti náttstaður Sikileyjar verður við hina föggu **Giardini Naxos** strönd. Á leið þangað munum við eiga töfrandi dag í forngrísku borginni **Sýrakúsa** en tímalaus feegurð hennar heillar enn í dag. Komum til **Taormina** sem er yndislegur bær en þar skrifaði Laxness Vefarann mikla frá Kasmír. Einnig förum við í ævintýralega ferð að **Etnu**, þekktasta eldfjalli Evrópu, og við rætur Etnu verður í boði létt hádegissnarl að hætti eyjarskeggja. Á leið í skip í Palermo verður komið við í **Cefalú**, bæ með hrifandi arabískum blæ. Þessari glæsilegu ferð lýkur með heimflugi frá Róm.

### 13 dagar | 12 nætur

1 nótt í nágrenni Rómar | 1 nótt næturferja til Palermo | 3 nætur í Santa Flavía | 2 nætur Marina di Ragusa | 4 nætur Giardini Naxos | 1 nótt næturferja til Napólí



### 6. september | Flug til Rómar & gist eina nótt

Brottför frá Keflavík kl. 8:30, mæting í Leifsstöð u.þ.b. 2,5 klst. fyrir brottför. Lending í Róm kl. 15:00 að staðartíma. Ekið verður á hótél í nágrenni borgarinnar þar sem gist verður fyrstu nóttina.

### 7. september | Napólí & sigling til Palermo á Sikiley

Eftir góðan morgunverð verður stefnan tekin á Napólí sem er höfuðborg Campania héraðsins á Ítalíu. Þar tekur töfrandi feegurð Napólíflóans á móti okkur, eins fallegasta flóa landsins. Farið í skemmtilega skoðunarferð um Napólí sem er heillandi borg á suðausturströnd Ítalíuskagans. Gamli miðbærinn í borginni var stofnaður á bronsöld en hann er á heimsminjaskrá UNESCO og hefur töluverðan sjarma sem umvefur okkur á göngu um hann. Skoðum það helsta í borginni en eftir það verður tími til að njóta lífsins í þessu einstaka umhverfi og fá sér hressingu. Um kvöldið verður stigið um borð í ferju og snæddur kvöldverður áður en



landfestar eru leystar og haldið af stað til Sikileyjar. Við gistum eina nótt í ferjunni í tveggja manna klefum með snyrtingu.

## 8. september | Skoðunarferð um Palermo & frjáls tími



Árla dags leggur skipið að landi í Palermo, borgar heilagrar Rosalíu, en hún stendur við einn fallegasta flóa eyjunnar. Í landi bíður okkar morgunverður. Sagt er að engin önnur borg hafi jafn oft orðið fyrir innrásum og Palermo og skýrir það fjölbreytta menningu hennar. Palermo kemur manni skemmtilega á óvart. Við förum í skoðunarferð og lítum á nokkra þá dýrgripa sem hér er að sjá, m.a. dómkirkju frá 6. öld og höllina Palazzo

Normanni. Báðar voru byggðar í arabískum-normanískum stíl og eru á heimsminjaskrá UNESCO. Eftir skemmtilega skoðunarferð verður frjáls tími til að kanna borgina á eigin vegum og fá sér hressingu. Við höldum svo á hótelið okkar en gist verður í þrjár nætur í Santa Flavia við Porticello flóann, rétt fyrir utan Palermo. Hótelið stendur við fallega grýtta strönd og þar er sundlaug, verönd og líkamsræktaraðstaða.

## 9. september | Frjáls dekurdagur í Santa Flavia

Nú ætlum við að njóta þess að vera á þessum undurfagra stað, nota aðstöðuna við hótelið og dekra við sál og líkama. Upplagt að fara í gönguferð og kanna umhverfið í nágrenninu, taka sér sundsprett í Miðjarðarhafi og sóla sig við ströndina sem tilheyrir hótelinu okkar.

## 10. september | Konungspærlan Monreale

Í dag verður ekið til Monreale sem er yndisfagur bær og státar af einni stórkostlegustu dómkirkju eyjunnar sem og klaustri heilags Benedikts frá 12. öld. Dómkirkjan er í sérlega fallegum byggingarstíl þar sem blandast saman arabísk, býsönsk og gotnesk menningaráhrif. Kirkjan er skreytt fjölmörgum, töfrandi mósaíkmyndum sem eru svo dæmigerðar fyrir Sikiley. Eftir góðan tíma hér snúum við aftur til Palermo þar sem verður frjáls tími til að fá sér hressingu og njóta borgarinnar áður en ekið verður á hótél.



## 11. september | Agrigento, Vall di Templi & Marina di Ragusa



Við yfirgefum Santa Flavia og ökum til Agrigento, sem er ein hinna gömlu grísku borga. Í næsta nágrenni er hinn stórmerkilegi dalur hofanna eða Vall di Templi. Hér má sjá mjög áhugaverðar fornminjar, um 20 dórísk hof frá 6.-5. öld f. Kr. Þetta fornminjasvæði nær yfir 1.000 hektara og er stærsta fornminjasvæði í heimi en einnig er hér áhugavert fornleifasafn. Dalurinn umhverfis hofin er

þakinn ólífulundum, sítrónutrjám og vínekrum. Við tökum okkur góðan tíma til að skoða minjarnar og ökum svo með fram suðurströndinni til Marina di Ragusa þar sem gist verður í tvær nætur á hóteli við ströndina.

## 12. september | Barokkborgin Ragusa & frjáls tími í Marina di Ragusa

Að loknum morgunverði verður farið í skoðunarferð um borgina Ragusa sem er heillandi bær í barokkstíl. Árið 1693 var borgin illa leikin af öflugum jarðskjálfta. Eftir það varð mikil uppbygging og fékk borgin þá á sig núverandi mynd. Borgin er fögur, meðal annars vegna þess að svo vel tókst til við varðveislu miðaldahluta hennar sem setur virkilega fallegan svip á borgina. Hér hafa verið teknir upp vinsælir ítalskir sjónvarpsþættir. Ragusa byggðist upp á fjallinu Monti Iblei í dalnum Val di Noto og talið er að fyrsta byggðin á þessu svæði sé frá um 3.000 f.Kr. Eftir stutta og skemmtilega skoðunarferð verður tími til að fá sér hádegishressingu. Komið verður snemma á hótelið svo hægt sé að nota aðstöðuna þar og kanna nærumhverfið.



## 13. september | Skoðunarferð til Sýrakúsa & Giardini Naxos



Kveðjum Marina di Ragusa eftir ljúfan tíma. Tímalaus fegurð fornu borgarinnar Sýrakúsa heillar okkur í dag. Hvergi er eins mikið af forngrískum minjum eins og hér, enda var þetta ein stærsta borg Grikkja til forna, stærri en Aþena. Í mörg hundruð ár var þetta mikilvægasta borg eyjunnar. Hér má sjá stórkostlegar fornminjar, t.d. grískt leikhús sem var höggvið í klett með sætum fyrir 15.000 áhorfendur. Auðvitað skoðum við eyjaperluna Ortygia, sem

geymir gamla bæjarhluta Sýrakúsa, og einnig verður frjáls tími til að kanna borgina á eigin vegum og fá sér hressingu að hætti íbúanna. Því næst heldur ferð okkar áfram til Giardini Naxos strandarinnar þar sem gist verður í fjórar nætur á hóteli með útisundlaug og einkaströnd.

## 14. september | Töfrandi bærinn Taormina & frjáls tími

Taormina er undurfallegur bær sem situr hátt uppi á bjargi yfir Jóníska hafinu og er byggður uppi í brattri hlíð. Héðan er stórfenglegt útsýni út á hafið og litlu eyjuna fyrir framan, Isola Bella. Í gegnum aldirnar hafa margir rithöfundar skrifað hér fræg verk og slóst Halldór Laxness í þeirra hóp þegar hann skrifaði hér bókina *Vefarann mikla frá Kasmír*. Þessi skrif juku mjög á vinsældir bæjarins sem þótti áður ómissandi áfangastaður í Evrópuhringferð heldra fólks. Efst í bænum má sjá gamalt hringleikahús Grikkja og Rómverja sem enn er í notkun. Frjáls tími gefst að skoðunarferð lokinni til að skoða bæinn, fá sér hressingu og feta þessar skemmtilegu götur.



### 15. september | Frjáls dagur í Giardini Naxos

Dagur í rólegheitum og slökun. Nú er hægt að njóta þess að vera á þessum fallega stað og nota aðstöðuna við hótelið. Hægt er að fara í gönguferð inn í bæinn eða njóta þess að ganga í flæðarmálinu við gullnu ströndina og baða sig í fegurð eyjunnar.

### 16. september | Eldfjallið Etna & hádegishressing hjá vínbónda

Nú verður farið í ævintýraferð á eldfjallið Etnu sem er eitt þekktasta eldfjall Evrópu. Ekið verður að rötum fjallsins en þaðan gefst áhugasömum tækifæri á að taka kláf upp í 2.918 m hæð. Þegar upp er komið heldur ferðin áfram með jeppum um svæðið. Þetta er mikil upplifun og ferð sem ekki má missa af. Eftir það verður farið í hádegishressingu til vínbónda í nágrenni fjallsins.



### 17. september | Cefalú, Palermo & sigling til Napólí

Þennan síðasta dag okkar á Sikiley verður fyrst staldrað við í bænum Cefalú sem tekur á móti okkur með sínum arabíska blæ. Arabar voru við völd í Cefalú í rúm 200 ár á eftir




Byzantínnum sem höfðu þar yfirráð í tæp 500 ár. Stutt skoðunarferð um gamla miðaldahluta borgarinnar og farið í dómkirkjuna sem er ein áhugaverðasta miðaldabygging Sikileyjar. Eftir það verður frjáls tími til að fá sér hressingu og njóta þess að kanna líf bæjarbúa. Því næst verður ekið til Palermo en þar munum við fá góðan tíma í borginni fram að brottför. Síðla dags verður farið um borð í ferju sem flytur okkur aftur yfir til

Napólí. Þar bíður okkar kvöldverður en við gistum þessa nótt í ferjunni í tveggja manna klefum með snyrtingu.

### 18. september | Napólí & heimflug frá Róm

Árla dags leggur skipið að landi í Napólí en við snæðum morgunverð áður en farið verður frá borði. Nú verður stefnan tekin á flugvöllinn í Rómaborg. Brottför kl. 16:00 og landing í Keflavík kl. 18:50 að staðartíma.

Fararstjóri getur fært dagskrárliði á milli daga eftir þörfum þegar komið er á staðinn.



## Verð

497.300 kr. á mann í tvíbýli | 81.100 kr. aukagjald fyrir einbýli.

### Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Sigling með næturferju til og frá Palermo.
- ✓ Tveir kvöldverðir og einn morgunverður um borð í ferjunni.
- ✓ Einn morgunverður í Palermo.
- ✓ Morgun- og kvöldverður allan tímann á hótelum.
- ✓ Létt hádegishressing hjá vínbónda við rætur Etnu.
- ✓ Allar skoðunarferðir með rútu samkvæmt ferðalýsingu.
- ✓ Íslensk fararstjórn.



### Ekki innifalið

- ✓ Aðgangseyrir inn í söfn, hallir og kirkjur.
- ✓ Hádegisverðir.
- ✓ Þjóf fé.

### Valfrjálst

- ✓ Aðgangur í kirkjuna í Monreale u.þ.b. € 4.
- ✓ Aðgangur í Normanen höllina u.þ.b. € 15.
- ✓ Aðgangur að Dal hofana u.þ.b. € 10.
- ✓ Grísku leikhúsið í Sýrakúsa u.þ.b. € 13.
- ✓ Hringleikahúsið í Taormina u.þ.b. € 10.
- ✓ Ferð upp á Etnu með kláf og jeppa u.þ.b. € 60.

